



大學衍義節畧卷一

高安朱 寔昌 校正



帝王為治之序

堯典

虞書篇名典者常也

曰若稽古帝堯

曰若發語辭曰字與粵越通用稽考也言

考古之帝堯其事云云也

曰放勳

放至也亦廣大之意如放乎四海之放勳功也

欽明文

思安安

欽敬也思去聲

允恭克讓

允信也克能也

光被四表格于上

下

被及也四表四外也格至也上天下地也

克明俊德以親九族

明明之也俊大

也以用也九族高祖至玄孫之親

九族既睦平章百姓

既已也睦和輯也平均也

章明也百姓

百姓昭明協和萬邦黎民於變時雍亦

畿內之民也明也協合也於美也變化也時是也雍和也

東京大學
東洋文化研究所所藏
漢籍善本全文影像資料庫

書名 大學衍義節略二十卷 嘉靖四年序刊本
撰者 明 楊廉 輯, 明 朱寔昌 校
卷 卷首
內容分類 子- 儒家- 議論經濟- 宋
索書號 大木- 總類- 政論- 諸子- 41
編號 C4491100

[彩色首頁1](#)


[東洋文化研究所漢籍目錄 編號: C4491100](#)

[東洋文化研究所漢籍目錄所藏漢籍善本全文影像資料庫 索書號: 大木- 總類- 政論- 諸子- 41](#)

[漢籍善本全文影像資料庫文本大學衍義節略二十卷 嘉靖四年序刊本](#)

版權所有: [東京大學 東洋文化研究所](#)

[使用上的注意事項](#)



0 1 2 3 4 5 6 7 8 9 10 1 2 3 4 5 6 7 8 9 10





大學衍義節略序



大學之典傳自孔氏蓋仲尼不得
教之位乃取堯舜以來明德新民之
旨陳綱著目以詔萬世者也遵之則
成平熙玉燭之休違之則有渙散顛
躓之禍學而出此皆非正學治而出
此皆為苟治歷千億載以至無窮未

之或移者也有宋群儒傳注之餘文
忠真景元氏又取而詳衍其義凡前
聖之規模後賢之議論悉羅括而無
遺其所謂君天下者之律令格例果
不誣也景元在端平初知福州應戶
部尚書之召因舉以進夷考其時雖
云略見施行而權邪錮惑卒亦虛言

而已矣迨我

聖祖高皇帝

天授大寶默契堯舜以來帝王精一之
學躬行實體維時宋公濂氏首請誦
讀是書

聖祖覽而悅之命書揭於兩廡之壁以
爲時觀屢省之具若析馬遷之論釋



是錯之評載之

金匱可考也自是

開源創統

文廟進呈於侍臣

仁廟取閱於典籍


列聖承承莫不以此書為南面之要法
所以百五十餘年民康物阜功德光

覆於海極其明驗大效亦昭然矣

今上皇帝入續

丕緒睿知聰明甲經乙史鴻臣吉士
充滿

秘幄嘉靖之元禮部尚書楊公廉氏
復取景元之書減三之二命曰節略
以為



當宁之獻觀其自序實慮夫


經筵之難畢與夫披閱之難周耳非
云景元之書可得而去存之也公事
孝廟常疏舉以勸講茲復有進其納忠
披悃始終拳拳愛

君之心誠足尚矣既而引年以歸寄此
編於寔昌且命序而梓焉噫昔者景

元進書之日又陳三劄以爲祈天
命之助其最要關鍵之言如云敬者
德之聚儀狄之酒南威之色盤遊弋
射之娛禽獸狗馬之玩有一于茲皆
足害敬者也是故衍義之訓惟敬則
行惟怠則廢此則楊公言之而有所
未盡可以仰補

聖德之萬一者也謹用識于篇首

嘉靖四年乙酉季冬之吉後學
高安朱寔昌纂



南京禮部尚書臣楊廉謹

奏為

進呈書籍事臣自入仕以來輒謂程頤有言
君德成就在經筵當

孝宗皇帝時待罪言官前後肆本皆以

經筵為言於內貳本皆乞講讀真德秀大學
衍義蓋帝王之學不出乎大學而衍義所
以填實乎大學者也此書諸經子史具在
非德秀之書寔群聖賢之書講讀大學衍

義即與講讀諸經子史初無以異但取其為類簡要易見端緒耳當時又謂此書全在提掇卷中大意其餘祇用念過以德秀所言即是倣定講章昔蘇軾進陸贄奏議謂人臣之納忠如醫者之用藥藥雖進於醫手方多傳於古人若已經效於世間不必皆從於已出凡此之類皆冒昧陳之邇來臣又思得原本篇帙尚多

萬幾之繁恐難周徧於是過不自料減參之貳名曰大學衍義節略庶幾用功不為甚勞而得效當更甚速

陛下春秋方富有二帝三王之

聖性當傳二帝三王之道統若此書者道統所寓所謂聞而知之與夫得不傳之學於遺經者正在於此臣老病侵尋恭遇

陛下龍飛嗣位之初既叨乞骸之

留復濫遷官之

寵顧茲朽腐兩被

殊恩晝思夜惟無所報稱敢辭筆墨之勤願効涓埃之補竊以大學條目有捌而致知誠意者為當務之急朱熹平生精力盡在大學重此貳者名為兩關臣知

陛下用功有素伏望

聖不自聖

天筵講席

留神聽覽于焉益致其知

遂殿深宮注意存省于焉益誠其意則心之正

者愈正身之修者愈修而帝王之道統於是乎復

傳由是家齊國治天下平而帝王之治化於是乎復觀若然則書雖輯成於前代而寔有徵於

今日臣雖假手於德秀而獲納忠於

聖明固愚臣之幸亦

世道之幸也臣干瀆

宸嚴無任戰慄願望之至謹以大學衍義節畧

并表壹通連書投

進為此具本專差辦事官閔金齋捧謹具奏
聞伏候

勅旨

右謹奏

聞

嘉靖元年伍月貳拾日南京禮部尚書臣楊廉



進大學衍義節畧表

南京禮部尚書臣楊廉誠惶誠懼稽首頓首

上言伏以

居楓宸乃膺君師之任在杏壇實遺治教
之書學雖上下之皆同責於南面而獨重
若能實用其力則必大有其功經則誦於
孔子而曾子述之傳則原於曾子而門人
記之至程子始取之禮經迨朱子乃為之
章句若夫引用五經四書之文揀擇諸史

百氏之說據千載之空腔為一旦之填實
或言其理或舉其事體用一原即理而事
無不包顯微無間即事而理無不在每條
祇引其凡逐節惟提其要簡以御煩約以
該博此則莫有逾於衍義之書而實成於
真氏之手其所以修己而明德者一二帝
三王之明法其所以治人而新民者一唐
虞三代之成功否則不漢之雜霸亦唐而
已不唐之雜夷亦宋而已君子勉與聞大

道之要也小人豈盡蒙至治之澤乎此
在

祖

宗朝或書之以為昕夕之諦觀或

贊之以為出治之條格仰

列聖之承傳同執中之授受所以治隆於

上俗美於下以至於今也茲者恭遇

皇帝陛下入繼

大統益衍

天潢

聰明睿知素著於

潛藩

仁勇聖神頃觀乎

登極然程頤為說書拳拳焉進涵養薰陶之
說朱熹繼講席切切然有窮理讀書之言
豈非當新君之幼冲與嗣皇之初政也哉
臣嘗言于

孝宗皇帝謂

經筵不必汎及夫他卷而

勸講惟當專用夫是編

覽之數日已可窺其大端

講之浹旬決可會其歸宿今復竊慮


萬幾之繁在於一日之內於是尋行數墨竭

精力以緝閱其全輯短截長忘寡陋而採

取其半非敢精以求精第欲省而又省近

年學士有病其闕而補以治平之篇今日

愚臣乃懼其多而妄有節畧之舉既簡矣



而簡之至則本於一心亦約矣而約之極則在於一敬此聖賢之真傳乃道學之密旨

九重誠留意焉

乙夜儻過目焉則所謂大端者當不待於數日而後窺所謂歸宿者抑豈俟於浹旬而後會哉蓋二帝三王之為君皆為如此之學故唐虞三代之致治咸臻如是之隆
瑟僖赫喧今復見之



獨詣

親賢樂利亦何幸於躬逢所有大學衍義節畧凡二十卷臣之愚得間附一二繕寫裝潢共計十帙謹隨表上

進以

聞臣誠惶誠懼稽首頓首謹言

嘉靖元年伍月貳拾日南京禮部尚書臣楊廉上表

大學衍義節畧題辭

大學衍義先儒真德秀之所著也曰節畧者臣不揆寡陋冒昧為之也舊四十三卷今為二十卷云竊謂德秀之書雖其援引之富論說之詳然無一言而不源流於孔子之經無一句而不根本乎曾子之傳無一言而非人君為治之法無一句而非人臣責難之忠至當至精至切至要臣之過慮惟恐



萬幾之繁

經筵之講讀未易以畢

乙夜之披閱或難於周此節畧之所由以成也然先其少而後其多由其約以致其博則亦何不可之有哉此書所謂前列二者之綱曰帝王為治之序曰帝王為學之本是也為治乃新民為學乃明明德即大學三綱領之二也所謂後分四者之目曰格物致知曰誠意正心曰修身曰齊家是也



格致以始之修齊以終之即大學八
之六也雖曰三綱領之二而至善之止固
在其中雖曰八條目之六而治平之理悉
該其內仰惟

陛下躬

上智之資稟

生知之性一讀百篇五行並下是豈尋常可
得而窺測也哉自今以往誠

留意焉則帝王之學必可

傳帝王之治必可

復矧以篇章減省工夫惟在於專旬月研窮

效驗決有可獲至於一得之愚并此以

獻

臣楊廉謹題




真德秀進大學衍義表

臣德秀言伏準玖月拾伍日尚書省劄子為臣具奏乞投進所撰大學衍義奉聖旨令疾速投進者伏以汗竹雖厯何補聖經之奧食芹欲獻誤蒙天語之溫以十年纂輯之餘欣一旦遭逢之幸臣德秀惶懼頓首頓首惟大學設八條之教為人君立萬世之程首之以格物致知示窮理乃正心之本推之於齊家治國見脩已為及物之原曾子之傳獨得其宗程氏以來大

明厥旨迨師儒之繼出有章句之昭垂臣少所
服膺晚而知趣謂淵源遠矣實東魯教人之微
言而綱目粲然迺南面臨民之要道曩叨侍從
論思之列適當姦諛蒙蔽之時念將開廣於聰
明惟有發揮於經術使吾君之心炳如白日於
天下之理洞若秋毫雖共覘雜進於堯朝豈魑
魅能逃於禹鼎不量菲薄欲效編摩遽罹二至
之讒徒結九重之戀既投閒而置散因極意以
研精畎畝不忘君母惓惓於報上藩牆皆置筆

幾兀兀以窮年首劄聖賢性命道德之言旁采
古今治亂安危之迹必提其要皆聚此書凡諸
老先生之講明粗加該括於君子小人之情狀
尤極形容載瞻海嶽之崇深期效涓埃之裨補
茲蓋恭遇皇帝陛下乾旋坤轉日就月將於緝
熙殫厥心基命邁隆於成后念終始典于學遜
志克邁於商宗方將切磋琢磨而篤於自脩定
靜安慮而進於能得事欲明於本末理期貫於
精粗摘粹成編冒塵清燕止其所止願益加止



善之功新以又新更推作新民之化臣干冒天
威無任激切屏營之至臣所撰列大學衍義肆
拾叁卷并目錄共成貳拾叁帙用黃羅夾複封
全謹隨表上進以聞臣德秀惶懼惶懼頓首頓
首謹言


真德秀大學衍義序

臣始讀大學之書見其自格物致知誠意正心
脩身齊家至於治國平天下其本末有序其先
後有倫蓋嘗撫卷三歎曰為人君者不可以不
知大學為人臣者不可以不知大學為人君而
不知大學無以清出治之源為人臣而不知大
學無以盡正君之法既又考觀在昔帝王之治
未有不本之身而達之天下者然後知此書所
陳寔自聖傳心之要典而非孔氏之私言也三

代而下此學失傳其書雖存槩以傳記目之而已求治者既莫之或考言治者亦不以望其君獨唐韓愈李翱嘗舉其說見於原道復性之篇而立朝論議曾弗之及蓋自秦漢以後尊信此書者惟愈及翱而亦未知其為聖學之淵源治道之根柢也况其它乎臣嘗妄謂大學一書君天下者之律令格例也本之則必治違之則必亂近世大儒朱熹嘗為章句或問以析其義寧皇之初入侍經帷又嘗以此書進講願治之君

儻取其書玩而繹之則凡帝王為治之序為學之本洞然於胷次矣臣不佞竊思所以羽翼是書者故剝取經文二百有五字載于是編而先之以堯典臯謨伊訓與思齊之詩家人之卦者見前聖之規模不異乎此也繼之以子思孟子荀况董仲舒楊雄周敦頤之說者見後賢之議論不能外乎此也以上論帝王為治之序堯舜禹湯文武之學純乎此者也商高宗周成王之學庶幾乎此者也漢唐賢君之所謂學已不能無悖乎此

矣而漢孝元以下數君之學或以技藝或以文辭則甚繆乎此者也以上論帝王為學之本上下數千載間治亂存亡皆繇是出臣故斷然以為君天下之律令格例也雖然人君之學必知其要然後有以為用力之地蓋明道術辨人材審治體察民情者人君格物致知之要也明道術之目有四曰天性人心曰善曰天理人倫之正曰吾道異端之分曰王道霸術之異辨人材之目亦有四曰聖賢觀人之法曰帝王知人之事曰姦雄竊國之術曰險邪罔上之情審治體之目有二曰德刑先後之分曰義利重輕之別察民情之目亦有二曰生靈嚮背之由曰田里戚休之實崇敬畏



戒逸欲者誠意正心之要也崇敬畏之目有六曰天之敬曰臨民之敬曰治事之敬曰操存省察之功曰規儆箴誠之助戒逸欲之目有五曰沉湎之戒曰荒淫之戒曰盤游之戒曰奢侈之戒而先之以摠論者所以兼戒四者之失也謹言行正威儀者脩身之要也其事無二曰重妃匹嚴內治定國本教戚屬者齊家之要也重妃匹之目有四曰謹選立之道曰賴規儆之益曰明嫡媵之辨曰懲廢奪之失嚴內治之目有四曰宮闈內外之分曰宮闈預政之戒曰內臣忠謹之福曰內臣預政之禍定國本之目有四曰建立之計宜蚤曰諭教之法宜豫曰嫡庶之分宜辨曰廢奪之失宜監教戚屬之目有二曰外家謙謹之福曰外家驕溢之禍四者之道得則治國平天下在其中矣

每條之中首以聖賢之明訓參以前古之事蹟
 得失之鑑炳焉可觀昔者入侍邇英蓋嘗有志
 乎是比年以來屏居無事廼得緝閱經傳彙而
 輯之畎畝微忠朝思暮繹所得惟此祕之中笥
 以俟時而獻焉其書之指皆本大學前列二者
 之綱後分四者之目所以推行大學之義也故
 題之曰大學衍義云臣德秀謹序



大學衍義節畧目錄

一卷

帝王為治之序

帝王為學之本

堯舜禹湯文武之學

二卷

帝王為學之本

商高宗周成王之學

漢高文武宣帝之學

漢光武明章唐三宗之學



漢魏陳隋數君之學

三卷

格物致知之要一

明道術

天性人心之善


天理人倫之正

兼言五者大倫

通言人子之孝

四卷

格物致知之要一



明道術

天理人倫之正

帝王事親之孝

長幼之序

夫婦之別

君臣之道

君臣交際之禮

君使臣之禮

五卷

格物致知之要一

行

天

明道術

天理人倫之正

臣事君之忠

朋友之交

吾道源流之正

六卷

格物致知之要一

明道術

吾道源流之正

異端學術之差

七卷

格物致知之要一

明道術

王道霸術之異

格物致知之要二

辨人材

聖賢觀人之法

八卷

格物致知之要二

辨人材



帝王知人之事
姦雄竊國之術

九卷

格物致知之要二

辨人材

儉邪罔上之情

姦臣

十卷

格物致知之要二

辨人材

儉邪罔上之情

讒臣

十一卷

格物致知之要二

辨人材


儉邪罔上之情

佞幸之臣

聚斂之臣

格物致知之要三

審治體



四

德刑先後之分

十二卷

格物致知之要三

審治體

義利重輕之別

格物致知之要四

察民情

生靈嚮背之由

田里戚休之實

十三卷

誠意正心之要一

崇畏敬

修己之敬

事天之敬

遇災之敬

臨民之敬

治事之敬

操存省察之功

十四卷

誠意正心之要一



崇畏敬

規警箴誠之助

誠意正心之要二

戒逸欲

總論逸欲之戒


沉湎之戒

十五卷

誠意正心之要二

戒逸欲

荒淫之戒



盤游之戒

奢侈之戒

十六卷

修身之要一

謹言行

正威儀

齊家之要一

重妃匹

謹選立之道

十七卷

齊家之要一

重妃匹

賴規警言之益

明嫡媵之辨

懲廢奪之失

齊家之要二

嚴內治

官闈內外之分

官闈預政之戒

十八卷



齊家之要二

嚴內治

內臣忠謹之福

內臣預政之禍

十九卷

齊家之要三

定國本

建立之計宜早

論教之法宜豫

嫡庶之分宜辨

廢奪之失宜監

二十卷

齊家之要四

教戚屬

外家謙謹之福

外家驕恣之禍

大學衍義節畧目錄

大學衍義節畧卷一

高安朱寔昌校正

帝王為治之序

堯典虞書篇名曰若稽古帝堯日若發語辭曰字與

考古之帝堯其事云云也曰放勳放至也亦廣大之意如欽明文

思安安欽敬也允恭克讓允信也光被四表格于上

下被及也四表四外也克明俊德以親九族明明之

也格至也上天下地也九族既睦平章百姓既已也睦和

祖至玄孫之親百姓昭明協和萬邦黎民於變時雍昭

明也協合也於美也變化也時是也雍和也

